

Éyiya ama' yej kijkuiloj San Juan

Juan ye'tajtowa iga Gayo

¹ Nej niJuan yej ni-ancianoj,* nimitzjikuilow-iliá inín ama' tej tinoamigoj yej motoka' Gayo. Nimitzchokiliá iga tiksentokaj yej melá' nokta.

² Noknín yej nimitzpoxchokiliá, niktajtaniliá Dios iga ijkón ken tiye'nemi ipan iyojwi Dios, ijkón nō nochi yej tikchiwa maye'kisa, iwán amo ximenfermaro.

³ Poxsan nipagui' kuá' sekin tokniwan walkej, iwán nepowilijkej iga tej nochipa tikchijto' ken kijtowa itájtōl Dios yej melá' nokta.

⁴ Poxsan niyolchikajto' kuá' nikmati' iga nopi-lowan kichijtokej ken kijtowa itájtōl Dios yej melá' nokta.

⁵ Noknín yej nimitzpoxchokiliá, nemi tikchiwa ijkonya nokta ken kineki toTeke iga tikpalewiá tokniwan yej kitokaj Cristo, malej ayá' tikijixmati iga witzej ipan se' altepemej.

⁶ Inimej tokniwan yej kipowaj ye'noticiaj, kijtōkej iyixtaj tokniwan yej kicredowaj Dios kan nechkatoyaj iga poxsan tikchokiliá yejemej. Achi xikojmakakan tokniwan kan nemi yawij; ijkón ken kajasi xikpalewikān yej tekipanowaj iga Dios.

* **1:1 1:1** Xikita glosario "Anciano".

⁷ Porque yejemej p_wákeja iga kipojtinemij itájt_l Jesucristo, iwán yejemej ayá' nemi kikuij nité yej kimakasnekij nam_lmej yej akixmatij Dios.

⁸ Inón iga tejemej matikpalew_lkan iga wel makipowakan itájt_l Dios.

Diótrefes ayá' ye'nemi

⁹ Nej nimitzijkuilowilíkeja se ama' iga mamoleero kan anmonechkowaj yej ankitokaj Cristo; e' Diótrefes, yej nochipa kineki mamitzmandarokan, ayá' nekui.

¹⁰ Inón iga, siga nia, nikajajwas iga nepopowa iwán iga ne-ijiya. Iwán ayejsan iga inón, ni alín ayá' komemawía tokniwan yej kipowaj ye'noticiaj. Iwán yej kinekij mataomemawikan, ayá' kimakaltía lugar iga mataomemawikan iwán ay'ya kimakaltía lugar iga maasikan kan monechkowaj tokniwan.

¹¹ Nokn_n yej nimitzpozchokiliá, amo ximixku_lti ipan yej kich_lwa yej ay_lkti, xikch_lwasan yej ye_lkti. Yej kich_lwa yej ye_lkti, inón kitoka Dios; e' yej kich_lwa yej ay_lkti, inón ay_l' kita' Dios.

Wel mixku_ltilo ipan Demetrio

¹² Nochi ye'tajtowa iga Demetrio, iwán ken iga nemi nesi iga kixmati yej melá' nokta. Nejemen n_o niye'tajtowaj iga yéj, iwán tikmátiya iga yej nejemen nikijtowaj ayá' nitakajkayawaj.

Monawatiá

¹³ Ónogo' komati yej wel katka manimitzijli; e' ayá' nikneki manimitzijkuilowílipa ipan ama',

¹⁴ iga niajneki nomatika nimitzitati iga wel matisentatapowakan.

¹⁵ Dios makichiwa iga xono tamelá. Moamigojwan yej nigaj onokej kinekij iga xiye'ono. Xiksaludaro sejsé de toamigojmej yej ompiga onokej mowan.

Isthmus-Mecayapan Nahuatl
Nahuatl, Isthmus-Mecayapan: Itájtōl toTēko ipan
mela'tájtōl New Testament

copyright © 2016 Wycliffe Bible Translators, Inc.

Language: Nahuatl, Isthmus-Mecayapan

Contributor: Wycliffe Bible Translators, Inc.

All rights reserved.

2025-05-17

PDF generated using Haiola and XeLaTeX on 16 May 2025 from source
files dated 17 May 2025

8d5b6a33-8846-5c0f-ae8f-62c94f894f7b